

奉化縣志卷二

建置上

城垣

奉化城後據錦屏前依玉几左臨大澤右傍鳳山距郡南八十里

高二丈四尺據康熙志改原址廣一丈二尺面廣一丈周圍一千

一十八丈延袤七里闢為四門東曰迎恩西曰順成南曰貞明北

曰起鳳門各有樓穴水門於西為上水門於東為下水門外自東

南臨龍溪以西為文昌溪北抵陵谷俱不設濠乾隆府志

唐建縣治城垣無攷宋有城周環六百四十八丈寶慶志。案康熙志引作圖經

元為州城因之城門無名延祐志今莫詳其處然縣西有城西隩之

名疑其址與今治近明洪武初改州為縣在今址舊有城後廢嘉

靖中倭夷入寇縣令蕭萬斛築為城延袤總一千一十八丈高二

奉化縣志 卷二 建置上

丈四尺城之門四設二水門於東西其西北舊城從山圍繞康熙志

郡人張時徹慈人王交姚江湖正蒙並為之記張時徹記曰奉化縣故

為鄞地隸會稽郡隋并鄞入句章置鄞州唐改鄞縣開元中析置

奉化縣屬明州歷代因之元貞元初陞為州國朝洪武二年復改

為縣去郡治八十里為鄉八為區十有四屬都五十二編戶一百

四十六里東北界於鄞南界甯海西北界嵗縣又東南界於象山

西南界於甯海依山為邑不城不隍自開國以來蓋百八十餘年

於茲矣值時方隆熙刁斗不警即有小偷縣官出片紙捕治之無

不帖伏於法雖性易抵冒好鬪訟然皆狎於耕桑守在四境斬關

走壙之盜茂如也歲豐時和則龍不夜吠外戶不扃以故許謨樹

畫之吏非之也而未始議城事嘉靖壬子倭寇蟻聚內侵大掠於

黃巖自是破郡邑殆無虛日遠近播遷弗適有居而奉化四封

則故濱海也縣令蕭君纘眾而議曰夫令長之設以為民也民存

與存民亡與亡今寇患孔亟宵晝弗虞郊鄙之民猶得偵緩急竄

匿榛莽丐一旦之命維茲市廛固籠中禽耳且又賊所垂涎也若

頓兵四隅魚麗而進即費貨婦女可盡虜也况薨棟鱗次持一炬

灼之即瞬息燼矣令興寐所為惕若不能挽強挺銳與賊爭尺寸

之鋒計惟成城以守耳汝眾謂何諸士庶稽首曰非父母恩德不

及此敢不惟命蕭君乃悉從父老而景相之四面率以舊郭門為

界面皆置門門有譙樓橫縮共一千一十八丈有奇約費金一萬

二千三百五十兩有奇合用築戶三百七十三名乃上其事於當

道曰時詘舉羸自昔忌之今郡邑多事藏無滯蓄罔所取財若借

徵本邑常徭而均役其力庶幾說以使民者乎其科算程督則不肖令身肩之有所不恪謹死無悔已乃得請於朝茲日與事始末經費較若畫一君乃時時行作者而拊循之眾罔弗力工肇於乙卯正月五日迄於是年十二月六日雉堞連雲崇墉刺日屹若金湯之固由是賊凡三過其縣仰而睇之旌旗戈戟徧於樓櫓輒辟易以走蒸黎得保生聚靡有蕩析凡皆成城之功也諸士庶謂邑之大事不可無紀而藤丞嚴君德請謁於余余乃言曰余嘗誦古人行仁義宣明教化於以殿邦保民不畜足矣而又曰設險守國重門禦暴斯又何也蓋舞羽格苗修文致雉奚險之憑然而復隍之虞苞桑之戒聖哲所為諳諳焉要之防水未決保邦未危其道則然耳又況倭寇縱橫烽燧交錯者乎故求吏治於今日惟防禦為急而催科聽斷不與焉諸當道軫念時艱蕭君乃祇承德意作我長城所謂能捍大患者非耶夫甘棠遺芾岷山崇碑恩德於民遐矣且猶且暮思之而况保衛室家永永不替者乎是孰能忘之斯舉也首議則監察林君應箕定議則巡撫王公忬胡公宗憲監察趙君炳然督課則參議許君東望知府邱君玳張君正和而知縣蕭萬斛則終始力任其事其士民佐役者并列之碑陰銘曰皇皇赤縣非井周衢生斯聚斯萬民所都夷寇蜂屯宵旦靡虞誰其城之監撫諸司誰其司之令尹大夫伊何云役都鄙蒸黎如穀斯抹如姬斯煦非赫其慈市也來趨樓櫓翼翼崇墉屹如寇用震賊有疾其驅草木弗薙井竈弗墟十百千禩永奠厥居其不然者為醢為雉孰是不鑿孰是不思金石可變功德靡渝謂予不信視此豐碑嘉靖三十五年歲次丙辰春二月朔。碑石在今同善局西路

奉化縣志

卷二

建置上

二

側。王交胡正蒙記。萬厯間城中多火患縣令樊轂因士民之請見嘉靖府志今不錄

移築山下其南門麗縣治正南康熙順治四年知縣蔡周輔塞舊

南門開南門於縣治之東南乾隆移東四十餘丈又增築甕城

順治戊戌令王奐增築雉堞厚二尺高四尺扁城之東門曰太乙

西曰金嶂南曰薰時北曰拱極康熙十二年令曹鼎臣改今址仍

舊制甲子夏南城門災各門樓俱圯丙寅令施剿曾重建四門修

築雉堞康熙雍正七年知縣王緯奉文修築并建城樓乾隆道

光辛未南門圯重修案今城門仍曰迎恩順成貞明起鳳

縣治

縣治在三鄉之會東南為坊隅隸奉化鄉西為四都隸連山鄉北

為三十九都隸禽孝鄉縣門曰宣明左曰新民右曰止善案左右門俱廢

南為宣化坊即尚書坊又南為杜家橋即嘉會橋又二百步為南門洗馬橋

縣西為探花坊錦街三百步為廟橋城隍廟西門縣東百步折而

北五十步為察院司澄清坊今廢又百步為北門東為儒學學東為

公館橋今為舒文靖祠折而北為告成寺為連山驛址又折而東為布政

按察二分司今廢又東三百步為資福廟為東門蓋因倭變築城規

制甚隘區方五里縣署之外有儒學有三公署一驛址及二祠二

廟一寺戶不過二千東南有田若干畝康熙志

縣署宋建炎四年燬於兵紹興十三年令榮彝重建縣廳及仁平

齋聽事之東龍溪道院仁平齋之南恕堂聽事之西獄之側嘉泰間趙

彥綰為令邑人吳懋為縣家葺理獄室又以其餘材重建恕堂寶

慶間縣令樓紹聘重建縣樓門寶慶志元至元十三年復燬於兵令

王宗信重建二十八年丁濟拓大之王應麟為之記曰越之東境

稽唐合鄞於鄞開元中州以四明山名始建縣曰奉化其地則漢

之鄞也古鄞城在焉鄞有大里黃公列於四皓卓乎千載人物之

奉化縣志

卷二

建置上

三

冠冕先賢流風所被其俗純如其土份如在九域志是謂望縣迪

簡墨綬長吏保綬受命民非才足以撥煩廉足以砥俗仁足以摩

拊疲瘵不輕以百里界也縣治燬於丙子師旅饑饉相仍道馳蒿

萊黎民困頓令長迫期會急繭絲慮弗及遠王尹宗信僅克躬聽

事三楹李尹天益纒繕吏舍襄費了君濟宰茲邑維武城之室單

父之堂所以疏視淪聽清應物之原若昔董安于治晉陽一牆一

柱猶不苟匪賁輸奐以為華壯棟宇以自奉也爰契我邇經之營

之任城王君澤為丞比善協志而新是謀邑士大夫咸勸趨之庶

工丕作民不知勞始事辛則之冬考成王辰之秋丁君以書來曰

一日必葺古有明訓百堵皆興詩人詠焉聽事東西吾名以節愛

清安兩廡翼焉吾名以一清四畏堂曰得初以息以燕亭曰清斯

有沼有荷挹爽西山扁以高淸殖殖其楹轡轡其門胥吏攸處下

逮園扉粲然一新曷敢視官舍如蓬傳而怠厥事願諗後之人俾

勿壞余病耄不能文嘗謂君子為政其本自相在爾室始千室之

邑易治也一室之自治為難子程子之視民如傷子張子之訓民

善俗以一邑為天下之式其本焉在惟暗室之不欺而已巖谷深

窳欲其疾痛必聞如接几席胥徒囂悍欲其隱微必察如在戶庭

達於政蒲密中牟之化可復也詩曰無已太康職思其居然則居

此室可不敬歟聞丁君律已守公愛民束吏日蒞庠序惠訓不倦

多士訢訢誦子產之誨我子弟是能知本矣耆壽俊相與言曰茲

不可不書乃不敢固辭書其事詔永久用勉夫字民者至元二十

九年八月前進士王元貞元年陞為州即縣治為之皇慶元年本

應續記。延祐志

州達魯花赤木八刺率州人重建延祐志聽事三間扁曰遷善軒三

間副廳左右各三間吏目署於左後堂三間扁曰清畏陳高伯德政記略曰

門臺直達高鏡照市吏舍翼挾明廊映廳於是自書其所名署事

之堂曰遷善表其樂於改過也後之登斯堂者曷敢不遷宴休之

堂曰清畏表其嚴於慎獨也後之儀門吏舍庖廩備州獄三間

登斯堂者曷敢不畏。乾隆志前進士陳觀記至正志。陳觀奉化州重建公宇記奉化於明為

紀述備矣然土瘠而民儉食於耕地阻四方不甚通於貨治者雖

謂其難而亦存乎其人也比年民數登進為州官吏品秩以次俱

升獨蒞事所因循猶舊歲久漸弗支皇慶王子達魯花赤木八刺

公之來顧而歎曰縣之為州雖征賦所不增土地所不闢而今之

視昔難以槩論司存不壯麗難以視觀瞻既而耆年士民不謀同

辭乃論諸同僚上之統府上下胥悅鳩堅蒐良凡木植之可致者

必厚直以口屋廬之願售者必倍價以償工匠之勞夫丁之募皆

日有給始於癸丑三月為廳為軒為佐幕為賓榮書諾有堂宴息

有室不日皆成譙門吏廡狂狴垣墉次第具舉體制宏敞輪奐輿

飛儼然千里之郡矣邦人欲頌公之德紀公之績舍儒者其誰與

余不獲辭竊謂天下之事有志者竟成而事有非一朝一夕之可

集亦非一手一足之能為其事豈易惟公於民得之也有素使

之也有道平時律已廉持心恕贖不輕署辛不輒發不施鞭而賦

自辦不假筆而辭自服兩造在庭事輕者釋之以理使不戾其和

奉化縣志 卷二 建置上 四

氣重者得其情而勿喜凡此皆所以作其謙遜之風道其君子長

者之歸故是役也人之趨之如子弟之從其父兄聞者樂於勸役

者忘其勞猗歎美哉今之仕也耳目聰明不能周於簿書期會何

暇他及亦有苟焉歲月視為傳舍不能一日葺甯有不愧於公若

公之材試於一州者特出其緒餘吾知其去是而黼黻帝室柱石

明堂有非此邦之士民所得私者矣同寅協恭實相斯舉敬書於

原注舊

裴琚成化中令曹瀾等相繼復修正廳三間名為忠愛堂

原注舊公正廳左為軍器庫又左為幕廳凡三間右為義仗庫又右為西

廳凡三間

原注宏治二年令徐紹先修後

嘉靖三十九年令楊旦復飭

東西列曹吏房科各十

五間

原注東為承發司吏戶糧

東南為土神祠凡三間西南為獄

禁凡五間獄禁北為存留預備二倉

原注正統間縣丞黃甯宏治

初令徐紹先相繼修復嘉靖

甲午乙巳令陳縞徐獻忠建

前為箴石亭

原注名曰

亭前為儀門

在西廊後令楊旦徙禁北

左右為從屋各三間

原注嘉靖二十六年

儀門外東西列榜廊各十

間

原注舊扁曰學道

正廳後為又新堂凡三間

原注舊扁曰學道

縣丞黃甯復建

愛人洪武間有棟

循題名成化中令曹瀾重修嘉邑人項守禮爲之記記曰侯軒蕭

靖三十八年政熙民和百廢具舉既迺振邑治後堂之圯而新之材

石磚壁之類捐自俸資力征於民經始於仲秋落成於孟冬凡四

閱月而大工竣扁其堂曰又新朝夕退食於茲蓮幕方子徵記於

減峯子減峯子升其堂而視之見形勢嚴整棟宇軒翊中爲燕食

所左以貯錢帛右以寶聖駕迺歎曰茲堂之制又一新矣侯作而

曰又新之義如斯而已乎願乞一言以爲燕食規減峯子曰善哉

侯之問也夫君子之仕也上以事君曰忠而已矣下以臨民曰愛

而已矣是忠與愛也非自外至也天命之性也吾心之德也虛靈

不昧塗人至於聖人一也體之於己謂之明德施之於人謂之新

民特在不爲舊染所污而已矣舊染不污則清明常在厥躬而忠

君愛民之念時出而無滯日新而不窮古之人兢兢業業克勤克

儉不邇不殖亦臨亦保率是道也此又新之規也我侯其進於是

矣乎侯江右英傑也其心忠君愛民之心也其所學明德新民之

學也出而令吾邑也政之弊者更之民之強者鋤之歷久而弗懈

吏民莫不日仰其煥然一新也及其退食於茲堂也其心翼翼然

惟恐其不及也左顧錢帛之藏而歎曰是腹民之膏脂以實之也

吾之出納也非一日矣得無有濫用以污吾之愛者乎右仰聖駕

之藏而歎曰是明天子之法象所在也吾之瞻拜也非一日矣得

無有倦勤以污吾之忠者乎推是心也是無終食之間違忠與愛

奉化縣志

卷二

建置上

五

明德新民之實學而所謂又新者將無待於堂而得之矣邑之人
士仰侯之成功文章警諸入明堂清廟之中見其重門層閣千圓
萬方華采炫耀而不知所以創造之者規矩之外無他術也我侯
又新之學其操規矩以出方圓者乎使嗣是而令者居斯堂也將
必竦然動心愛護而時緝之又新之功永永不墜又孰有出於我
侯規矩之外者乎侯拜而謝曰命之矣敢不佩服以爲燕食規爰
記其事於石以贊屋漏以詔來者侯名萬斛字時應別號侯軒吉
之泰和人登嘉靖庚戌進士時嘉靖三十六年丁巳孟冬吉旦

凡三十間

嘉靖志

崇禎間令胡夢泰皆加葺治

國朝康熙間忠愛堂圯令鄭懋重建扁曰親民令蔡毓秀張起貴

黃霽亦補修之雍正三年令黃霽建儀門乾隆六年令李從龍重

修又新堂更名翼翼堂二十五年令陳滋重修宣明樓三十二年

令陳九霄修東西曹房各十二間

乾隆志

咸豐十一年粵匪陷城衙

署多毀同治初年令徐傳寬康敬思相繼修大堂

舊親民堂

川堂

舊又新堂

二堂花廳幕室十二年令王福祥稟建監獄典史署十三年令周

祖升成之又修宣明樓光緒元年又建西花廳顏曰省心令周九

年大風儀門及堂署牆垣監獄俱圯令朱和韻建復十年令恩裕

建東西曹房十五年令夏經鎔建西花廳側屋又勸建大堂西財

神殿儀門東土地祠三郎殿二十四年令郭文翹勸建東曹房後

關聖殿二十五年令龔廷玉建箴石亭二十九年令王汝賢以二

堂地勢低窪升高舊址改建廳室而移二堂於大堂後之川堂三

十年又於廳室之東建書室廳室東西建廂房三十一年改建川

堂為二堂內宅亦升高舊址拓基重建內宅天井中建捲棚東西

廂房亦修之西花廳後及預備倉基又建廂房幕室迴廊俱加修

葺獄禁周圍勸建衛所並築圍牆今計大堂南向三間廣四丈四尺深六丈

二後為天井廣二丈二尺深三丈二尺左右廂屋各三間進為二堂三間廣四丈三

尺深五丈二尺又後為天井廣四丈四尺深六丈四尺繞以迴廊又進為廳室

奉化縣志 卷二 建置上 六

五間廣六丈三尺深二丈七尺又後為內宅舊五間今改建七間廣八丈深前

為天井廣四丈一尺深六丈五尺中為捲棚四間東西廂房各二間又東正屋

四間廂房二間最後為桑園隙地蔽以圍牆至城下路而止 廳

室東為東花廳西向五間書室南向三間廚房四間 廳室西為

西花廳南向五間又南五間以牆界之右側屋三間西花廳東南

廂房二間耳房一間又北為幕室三間廂房二間又西舊預備倉基五

間舊二間新大堂東舊為軍器庫康熙間改作米廩今為庫胥辦公之所正廳四

間廂屋一間後廳四間廚房二間 大堂西舊為儀仗庫久圯今為財神殿

正屋三間門屋三間又西舊為花廳久圯今為班房五間 大堂前東西列

曹房舊各十各九間東曹房後為關聖殿三間西曹房後為監獄

五間見天廣四丈五尺深二丈七尺監獄後舊為存留預備倉基久廢今西北隅衛屋四間東

北隅一間西南隅二間東南隅一間 大堂南甬道距五丈三尺為箴石

亭又南為儀門三間北距大堂十三丈三尺廣四丈深三丈三尺五寸儀門東為土地祠

三郎殿各三間儀門南舊東西列榜廊各十五間久宣明樓廣一丈七尺七寸深門廣一丈七尺又南為映牆高一丈三尺廣一丈七尺縣丞署在大

堂東北康熙間縣丞何鍾建久圯光緒二十二年丞邵晉仁捐建正屋南向五

間大門當庫胥辦公所之左基地南北三十弓五分東西十二弓典史署在儀門

西南舊榜廊基正屋南向前後各五間前五間西為正廳東為花廳又左前耳房土

地祠後五間西為上房基地自後園牆至上房後牆二丈六尺上

井二丈六尺正廳深二丈四尺五寸前至儀門三丈一尺自儀門

至外門一丈二尺五寸牆外隙地西牆至上房屋外二丈八尺至

正廳屋外一丈八尺六寸

上房後西至東九丈三尺

附錄宣明樓舊名鼓樓又名具瞻樓即縣大門初築土為臺置

屋五間置漏鼓以警晨昏下設二門以資啓閉扁曰宣明延祐

間壞知州馬稱德重建事載國史院編修劉致一記永樂中令

裴琚重修事見陳協和王景才二記成化中令曹瀾丞謝啓重

建嘉靖中令陳膏修設鐘於上又令錢璠始創樓三間萬厯間

令賴愈秀重修崇禎間令胡夢泰重修康熙二十二年廢令張

起貴重建乾隆後修建詳前陳協和宣明樓記譙樓之建舊

矣凡府州縣儀門外更設重門而立焉蓋所以壯威儀備登覽

置壺漏以定時刻鳴鼓角以警晨昏也奉化舊為州譙樓扁曰

宣明樓先時之興廢漫不可考以今樓觀之建於元至正丁亥

六月知州周公仲厚始築土為臺疊石障之中空以通出入樓

三間跨其上而兩厦翼焉自至正丁亥至今聖天子永樂癸巳

已六十七年矣昔之豐棟簷宇窗戶欄楹與夫上下四旁節稅

之華丹雘之飾咸為風雨飄灑蟲蟻蝕兩厦先以崩墜正樓

三間豐棟簷宇剝落摧殘窗戶欄楹十去七八惟數楹頽然仄

立下以巨木強扶之仰漏日星俯積瓦礫威儀不稱登覽不樂

司壺漏鼓角者無所安棲往來於其下者有傾壓之懼縣令邯

奉化縣志

卷二

記願有述余惟天下之事由賢者而興愚者而廢廢而復繼興之可以無愧於前賢矣裴公質直和易恭勤周慎敦尚儒術敬老重賢為令於奉川今十年修孔子廟奏築沿海汗岸不使潮汐壞田導斗門鄭家堰河以通連山驛舟與夫鹽糧易鈔夏絲收麥等十餘事及天旱禱雨有應裴善良去奸懸凡便民之政靡能具述昔宋張忠定公守金陵范延賞為殿道過之忠定公問於途見何好官延賞對以至萍鄉縣見市肆整肅夜聞更漏分明邑宰張希賢雖不識面可以知其為好官也厥後忠定公舉而用之況裴公重修其樓而兼有美政之多者乎他日不惟有若忠定公者舉之朝廷必將考績而陞擢之也余於縣丞李公之言不敢拒遂書其實以置之樓上時永樂十一年歲在癸巳秋九月吉旦記○乾隆志

公署

存留倉屋五間南向 預備倉屋五間東向 二倉在縣治內

東倉在縣東六十里求村 西倉縣西三十里 南倉縣南三十

里 北倉縣北三十里 康熙志

北倉基考畧馬氏所居之地曰倉蓋因卜築之後官置倉儲倉廢而基猶存後人遂以名其地耳考舊譜馬氏始祖諱公正擇地奉化州見州北地有宦江鄉名長壽者其山有四寶擁護之奇川有四水璇環之異佳麗攢集綺脈交注度其會

奉化縣志

卷二

建置上

而誅茅焉當時固未有倉也至明洪武間馬元化為糧長凡近里糧米皆屯聚於此蓋其時始置官倉舊譜所載倉屋規模有云官府居某堂鄉老居某堂里中戚友居某堂制甚宏敞迥非數椽比夫有興必有廢此固事勢之常然古蹟留傳所賴著述者詳為紀載竊怪縣乘中倉儲一門於舊載存留倉預備倉外備紀東倉西倉南倉北倉諸名而不詳其地與制予意北倉者即吾馬氏所居之地也蓋地在縣北倉雖廢而倉基之名固在則因基而考其倉所由建并詳其倉之制度若何舊譜所載不可以補縣乘之闕耶

永濟倉在縣東三百步連山驛基雍正七年令王緯建四十六間

乾隆二十年令陳滋詳請增建二十間 乾隆志 今圯

常平倉元至正元年九月奉省劄遵旨設立穀賤則增價以糶貴

則減價以糶隨宜以濟其民令各處將沒官財產係官闕官子粒

并入粟補官散濟不盡鈔數從宜舉行將元撥糶糶數目立倉處

所每季登答申呈以憑點視至正二年四月報元有鈔 元發本錢九十六錠

三十九兩五錢 沒官贓罰鈔四十五 米 闕官子粒 見糶到六百

兩 闕官子粒鈔二十五錠一十兩 米七十石

一十三石四斗五升 見羅到數原本闕今從煙嶼樓校本補○至正志

明正統間令龔敬善勸民出穀備荒通得十餘萬石輸之於官爲立義門鑄出穀者之姓名祭酒陳敬宗記之是時受敕旌爲義民者若而人自後續輸銀穀冠帶旌門復若干人內義民三十五人冠帶四十人旌門八人立石六人 以上康熙志○姓名並詳孝義姓氏錄

國朝雍正九年令王緯建倉在縣署東乾隆二十年令陳滋增建二十間 乾隆志 久圯基存

社穀光緒四年知縣蕭世楷奉撫院梅札勸辦積穀仿照江西省章程官立社長倉董隨畝分儲並定出納章程詳准照辦今列各鄉原捐穀額如左 剡源鄉志曰每石以百觔爲率

- 坊隅 二畝一百石又一畝一百四石四斗五升 一三畝三百七石
- 一都 一畝一百六十石 二畝一百三十四石 四畝八十石
- 二都 一畝一百四十九石
- 三都 一畝一百七十六石
- 四都 一畝一百八十八石四斗
- 五都 一畝一百二十五石
- 六都 一畝一百五十七石四斗五升又一畝四十五石四斗五升
- 七都 一畝二百石六斗五升 二畝一百九石四斗又一畝三十五石
- 八都 一畝一百六石 二畝一百二十三石五斗
- 九都 一畝一百九十二石七斗 二畝一百二十五石
- 十都 一畝一百五十石
- 十一都 一畝一百十石一斗七升
- 十二都 一畝一百十石
- 十三都 一畝七十一石 二三畝一百四十五石

奉化縣志 卷二 建置上 九

以上奉化鄉

以上連山鄉

十四都 一畝一百石 二畝二百石

十五都 一畝一百石一斗七升 二畝一百二十五石

十六都 一畝一百四十石四斗六升 二畝一百石

十七都 一畝一百五十四石 二畝一百四十九石五斗二升

十八都 一畝一百十石 以上松林鄉

十九都 一畝二百石 忠義鄉志倉二各存一百石 二畝一百四十石

二十都 一畝一百二十一石

二十一都 一畝二百二十六石三斗二升 鄉志倉二 二畝一百七十一石三斗 鄉志倉二

二十二都 一畝四百八石 鄉志倉三

二十三都 一畝三百八十石 鄉志倉四

二十四都 一畝一百九十石 鄉志倉二 二畝一百三十二石六斗

二十五都 一畝三百二十石 鄉志倉二 二畝一百八石二斗 六升 三畝九十八石三斗四升

奉化縣志

卷二

十

建置上

二十六都 一畝一百四十四石八斗 二畝一百三十六石六斗八升 三畝四十五石

二十七都 一畝八十六石 以上忠義鄉

二十八都 一畝三百五十一石四斗 二畝一百二十石四斗 三畝六十一石一斗

二十九都 一畝一百三十石又六十石

三十都 一畝一百七石五斗六升 二畝一百七十七石八斗七升 四畝八十八石

三十一都 一畝二百石二斗六升

三十二都 一畝二百石

三十三都 一畝七十九畝三百六十七石二斗 二畝三畝三百三石 四畝七十石 五畝三百七十七石七斗 八畝

八十七石一斗 以上金溪鄉 十畝四十石

三十四都 一畝三百五十石二斗七升 二畝九十石 三畝 二百十五石 四畝四十四石 五畝二百二十石

七畝一百六十五石

三十五都 一畝四十石 二畝七十石 三畝八十石 四畝 一百五石 五畝九十八石 六畝九十八石八斗

六升

三十六都 一畝五十石 二畝一百石 三畝一百二十石 四畝八十八石 五畝一百三十石

三十七都 一畝六十五石 二畝二百七石五斗 三畝三十七石 四畝四十七石三斗一升 五畝七十四石

六畝二十六石四斗六升 七畝九十一石一斗

三十八都 一畝五百七石二斗 二畝一百石 三畝三百二十七石五斗

以上長壽鄉

三十九都 一畝一百石 二畝九十六石

四十都 一畝一百三十石二斗又七十石 二畝一百三十四石四斗 三畝六十三石

四十一都 一畝六十石 二畝一百三十四石四斗

四十二都 一畝五十石 二畝七十石

四十三都 一畝一百七十九石八斗九升 二畝七十石

四十四都 一畝一百三十三石又一百二十四石

四十五都 一畝一百石 二畝六十石

奉化縣志

卷二

建置上

十一

四十六都 一畝一百十石 二畝四十石

以上禽孝鄉

四十七都 一畝一百六十三石五斗 二畝一百二十六石五

剡源鄉志八村

四十八都 一畝一百五十七石八斗 二畝一百二十六石五斗 鄉志各四村

四十九都 一畝二百十四石二斗 二畝一百八十二石五斗 三畝一百六十一石二斗 鄉志共多四十五石

五十都 一畝二百七十石二斗 鄉志十一村

五十一都 一畝二百八石五斗 二畝二百八石三斗 鄉志四村

五十二都 一畝一百九十石四斗 二畝一百三十五石 鄉志六村 以上剡源鄉

以上八鄉原捐穀額共一萬九千二百六十六石二斗九升

知縣蕭世楷稟准出納章程 一建造倉屋需費甚鉅現將是項穀石在就近祠廟內揀擇堅固房屋存儲但必須高鋪地欄修整門窗板壁或仿照民間木櫃儲穀之法置造大櫃以免溼氣蒸染 一現在倉董一二名或三四名不等如中有出外遠行者或託同事兼理或另舉妥人均聽其便 一是項倉穀每年春間如有窮苦農民缺少籽種准其覓具五人互保寫立借保各狀向倉董借領如種田一畝者准借穀二十石每入以二百石為限所借之穀每石加息穀一斗以十月底為限本息併

還逾限不還稟官究追互保人分賠 一借穀之人及互保之人是否可靠應否借給均聽倉董斟酌不准硬借借戶姓名數每年五月截止由倉董開單報縣 一倉穀如無人借領准由倉董於青黃不接之時查價酌糶其錢由倉董領存官不提用仍俟秋後買補還倉 一倉穀無論借糶均不得過半以資蓄備 一倉穀糶出之後如秋間價昂准俟價平再買未經買補以前不准再糶以備凶荒 一存倉陳穀每年每石准支折耗穀三升並准酌支瞭曬辛工統在所收息穀內支銷如無人借穀即無息可收所需折耗辛工准在本穀內支銷或出陳易新價有盈餘即在餘價內支銷惟借後收還之穀及糶後買補之穀均屬當年新穀不得開支折耗 一倉穀存貯祠廟倘有損漏應由祠廟公款修理不得開支倉穀以杜漏卮 一倉董之外每鄉另設總董一二名以資稽察 一倉董五年無過由縣給扁獎勵 一是一項倉穀為備荒而設永歸紳董經管地方官永不提用胥差永不經手 一是一項倉穀既准酌支折耗及莊之貧臨時稟縣請示辦理 一是一項倉穀既准酌支折耗及瞭曬辛工應令經手倉董勸殷富或祠廟眾酌捐 一是一項倉穀既准酌支折耗及補苴總期現在捐成之穀有增無減以實倉儲

案曰社穀備荒法良意美然今論者咸苦其弊何也倉穀出納易滋損耗各鄉經董良莠不齊良者或被盤詰傾家破產視爲畏途莠者藉飽私囊輾轉遷移莫能究詰此弊在民也

奉化縣志

卷二

建置上

七

社穀定章官不提用然派委稽查動索輿馬以需索之有無爲社穀之存亡此弊在官也弊在民易去在官難去故以奉化一縣積穀不過二萬石而綜計累年委員之夫馬衙署之訟費其數不啻百倍是利一而害百矣且此二萬石之穀偶值凶年仍無散賑之實蓋穀經官案倘或散去必仍責董事者捐補而後已彼董事者能勝其責乎故社穀至今日爲豪強之私橐衙蠹之利源而於鄉民幾無毫髮之益而有贅疣之累也然則去之而後可乎曰否去其名而存其實則有利而無弊矣今計奉化一縣其公產之殷實者莫過於各村之祠廟若舉現存社穀就地撥入積息置產相附而行偶值凶年設法賑濟則豪強無慮侵吞而官府可無查詰卽賑荒亦較有實濟更推而廣之祠廟之公產旣富積穀較多若以甲

年之穀遲至乙年四五月間青黃不接之時零星平糶倘值凶荒更舉社息之贏酌宜散給則其利之溥豈區區二萬石之社穀所能比哉

陳西氏社倉詩大吏檄下小吏忙勸輸社穀備年荒時維光緒戊寅歲邑侯蕭公履城鄉城鄉義士亦踴躍綢繆未雨謀蓋藏大村特立小村附五里十里項相望贏餘聊當鼠雀食出陳入新歲為常稽漢五鳳歲豐穰鱗原高下雲屯黃穀石五錢農失利拜手上言耿壽昌穀賤增價貴則減其後乃有常平倉良法美意自千古遂為社穀之濫觴自漢以來一例歲久不免滋流弊浙東提舉朱文公始請於府定其制夏散冬斂若循環加二起息當會計小歉半蠲大饑除立法良簡人稱便行之一十有四年元米六百息三千自是出貸不收息水毀木饑民命全法本無弊得人理賣穀買田何取爾太歲著雍閏茂年粒米幾與顆珠似持錢欲買買不得如待西江救鮒死十倉九空可奈何違行往往占天水長官耳目慮難周官書下縣實事求小吏捧檄歲履勘輿馬喧擾父老愁不論社倉虛與實但得青蚨便可休穀蠹猶可民蠹烈嗚呼此為社穀蠹賊尤

校士館縣治東北本察院舊址道光十八年知縣蔣士祺勸建頭

奉化縣志

卷二

建置上

三

門儀門大堂各三楹宅門正廳各五楹後樓三楹案後樓今圯頭門外

東西序各六楹儀門外東西各五楹案頭門外西六楹儀門外各五楹今均圯正廳前

東西各三楹由大堂至儀門兩旁為東西文場可容千餘人外有

鼓吹亭東西轅門以及庖湍等亦不下十餘楹垣墉崇峻棟宇宏

深望之奧如計費二萬餘金正廳祀蔣公以邑人周炯言汪祖經

宋可堂張兆賡周珮戴巨林配享皆當時勸捐董建者何文耀經始碑記

咸豐十一年粵匪陷城館屋多毀八鄉分修之同治五年知縣莊

鳳威撥入屯田四十三畝五分一釐屯地六十九畝零以資經費

光緒癸未大風館屋多毀募修之有民田二十二畝八分廣渡澳

田五畝二分光緒三十一年 詔罷科舉由縣稟准大憲併為縣

立中學堂

附奉化試館在杭州下城仁和縣界平安三圖隨字號堯平巷

光緒十七年縣人孫鏘捐購基地六畝零三釐五毫又佃無主
陳姓等戶地二畝三分四釐九毫創建正廳頭門各五楹左右
平屋共二十四楹二十二年鄔炳雲捐建後樓五楹三十一年
孫禮鼇又積租建平屋五楹

德清俞樾奉化試館記浙江布政司所領郡十有一甯波東濱
海距省會較遠而人文特盛每子午卯酉之年舉行鄉試甯波
之來應試者甲於他郡及揭曉則中式者數十人或幾及全榜
三分之一故言兩浙文風必首甯波然以其遠也自郡至省渡
曹娥錢塘兩江而後至至則無所棲息旁皇道左亦一虞之受
而不可得於是好義之士各就省城建立試館最甯波所屬五
縣曰鄞曰慈谿曰鎮海曰象山皆有之矣而奉化一縣獨無試
館光緒十四五年邑中先達咸倡是謀經營久之迄無成事有
孫君鏘字玉仙者邑之高才生也力以此事自任謀於鄉人士
君子知集巨貲於仁和縣平安三圖買地八畝有奇而築試館
焉其前有門門左右有房又進為聽事其旁為南嚮之屋左右
各二區一區分為六楹三則為一局局一而居者六人并竈
庖福以及倚卓之類罔不備具自經始至於落成歷三載之久
其費出於各鄉其事則成於孫君一人此三載中至省垣者前
後十餘次其勤勞可謂至矣館成而孫君即舉於鄉越明年成
進士僉曰此勤勞之報也夫孫君此舉非以求報且報施雖天
奉化縣志 卷二 建置上 西

道所宜有而非吾儒所宜言余不以爲孫君之報而以爲試館
之兆試館既立來試者必益眾而中式者亦必益多吾知繼孫
君而起者源源而來歲盛一歲方興而未艾矣余於鎮海象山
兩試館皆嘗爲之記孫君因亦以爲請乃記其本末刻石館中
以告來者嘉孫君之有志竟成而又望居是館者爭自磨勵以
副 聖世之科名而爲吾浙光也其捐貲姓名別詳覈實錄茲
不具贅光緒二十年
歲在甲午六月上浣

附錄仁和縣業戶執照並摘錄契內各項及契尾號數備查

業戶執照 計四紙


杭州府仁和縣正堂爲填給印照便民執業輸納事茲據平安
三圖業戶吳蔣氏 吳成烈 陳富仁 張維烈交來親供將
原冊沈正 吳有溶有齋戶下後開產業推付本都本圖奉化
試館戶入冊輸糧自光緒十七年米屆爲始除留存根並將供
據分別備查外合給印照存報以資遵守須執照者

計開一則

隨字第廿一號基地四畝一分六釐五毫 廿二號基地一畝
五分 廿三號基地三分 廿四號基地七釐

光緒十七年五月 日給 算房沙黃代辦 米

又佃業執照一紙內開奉神周永年交來親供將原冊無主陳
姓等戶後開產業佃付奉化試館代墊戶入冊輸糧 隨字廿
五號佃地二畝三分四釐九毫餘並同前



奉化縣志

卷二

建置上

共

附廢署

公宇附

明察院在縣東舊為按察司分巡之所舊志地本倉基又為縣尉廳洪武十二年設奉定分司縣丞趙得順建十四年令高仲達增置十五年改為按察分司嘉靖間令錢璠建布政分司於學東此地竟名察院原注正廳三間從屋各一間後堂及東西廊各五間廚房內門外門各三間東西廣二十一步南北長六十一步共地五畝三分三釐七毫。案嘉靖府志中為正廳凡五間東西列廊房五間廳後為堂凡五間堂之東側庖舍凡三間前為露臺為儀門為大門與二志稍異後改為校士館詳見學校明按察分司在布政司右嘉靖元年令吳檣以浙東分巡無署易告成寺地環築為牆建大門未就而去十三年令錢璠始創屋宇為兩司駐節大門二門各三間正廳及廂房各三間本司址東西闊一十七步五分南北長四十二步共地三畝六釐二毫

明布政分司在縣東一里舊三皇廟洪武初廢宣德十年縣丞

黃甯創建嘉靖十四年署縣事通判張源令錢璠重修制與按

察司同案嘉靖志正廳五間兩廊各四間與此稍異本司址東西闊三十五步南北

長六十一步共地六畝四分七釐四毫以上康乾志

明公館在告成寺前中為正廳凡三間左右從屋各三間東西

列廊房各十間外為大門正統中縣丞黃甯建為府官行縣之

署嘉靖志

宋丞聽事縣治東南十步 主簿聽事縣治之西有堂曰棲鸞

西北有山亭 尉聽事縣治南 酒稅務聽事縣東北四里鎮

東樓之北大中祥符六年建 教場縣尉廳前 公塘巡檢司

聽事縣西北三十里公塘市中舊地名高公塘唐文德元年置

鎮民戶買撲名課管納官錢熙甯二年添置巡檢駐劄巡捕私

奉化縣志

卷二

建置上

七

茶鹽礬盜賊等事慶元四年罷鎮稅止存巡檢寶慶志○案延祐志公塘巡檢

司在州西四十里剡源鄉五十一都至正志在州西北

宋鮎埼鎮監官鎮在縣南六十里即漢鮎埼鎮也監官聽事在

袁村市中

宋鮎埼寨巡檢寨在鎮北五里聽事在漂溪原注嘉定七年尚書劄節文白劄子

奉化縣管下地名戰埼袁村皆濱大海商舶往來聚而成市十餘年來日益繁盛邑人比之臨安謂小江下去縣五六十里南隔山嶺海濱習俗素悍富者開團出船藏納亡賴強招客販貧者奪攘鬪毆雄霸一方動致殺傷縣道前來擇有事力者委充喫長未能借之鈴束反以資其武斷前任趙知縣曾具申諸司乞置巡檢一員在彼彈壓愚意諸若差委員武官反與豪徒為市欲乞效東陽例增置縣委一員本處有敗闕坊場令本府給本就委所置官措置興復趁辦課額之外其餘以贍吏兵既尚以防海道亦可以鎮獷俗右劄付沿海制置司從長相度申尚書省時提刑陳覃攝事申契勘慶元府在城都酒務有監官六員內文資四員武資二員若據向來置比較務瞻軍係省三務各立二員分管酒額固不為冗後來既將三務併而為一總納名課所謂六監官因循到今不曾減省委為贅濫及照得本府石門外有都巡檢一寨額管軍兵一百二十人本地分既不邊

海止是城外巡警鄉村盜竊及承受追會事件而已此來欲乞朝廷劄下本府於城下都巡檢寨分撥土軍五十名移屯戰地只就開禧年間踏逐到漂溪職租地起蓋軍房以慶元府戰地巡檢寨為名仍於都務監酒內選撥有材能文武官各一員並存監酒舊衙內文官帶兼管戰地煙火公事武官帶兼充戰地巡檢十二月二十八日奉聖旨令慶元府奉化縣置戰地鎮寨從事郎吳邦憲改差監戰地鎮兼煙火公事成忠郎陳奕世改差戰地監鎮巡檢其慶元府酒官六員內省罷兩員已差人並令赴吏部別行注授今後戰地監鎮巡檢令吏部依條格使關餘依是年於漂溪置軍房天王堂門樓射亭共五十五間巡檢廡宇一十四間戰地本鮎埼因白劄子誤為戰地鎮申請正舊名○以上寶慶志

為總門

嘉靖志

十里中為聽事凡三間後為堂凡三間左右為從房各三間外

元連山巡檢司在州西南一十五里連山鄉五都

田下巡檢司在州東南百里忠義鄉二十三都

案延祐志作二十五都誤

柵墟巡檢司在州南二十五里松林鄉十五都

奉化縣志

卷一

建置上

支

東宿巡檢司在州東七十里忠義鄉二十四都

以上延祐志參至正志

明塔山司署在縣東百里中為聽事凡二間東西廊房各二間

後為官廨凡三間外為總門

原注嘉靖甲午令錢璠創復三十年令蕭萬斛改建於湖頭渡○

嘉靖志○袁大誠有新置湖頭巡司碑記詳兵制

明稅課局洪武元年置隨廢商稅仍隸於縣

案寶慶志酒稅務縣東北四里

連山驛署縣東三百步唐名剡源驛在大溪東宋燬咸淳三年

葉夢鼎鎮明州建奉川驛元因之有戴表元劉仁本記至明洪

武十二年重建改今名嘉靖十三年令錢璠將告成寺地徙置

社學於東偏而改建為驛大門三間正廳五間左右廂房六間

後堂六間今久圯改添倉屋本驛地東西前闊一十四步後闊

一十步五分南北長三十一步四分共地一畝六分二釐

戴表元奉川驛記浙江東行數百里將窮而為海也其州曰明州明州之海益東而南行數十里江之支流亦窮而山興焉其

為縣曰奉化奉化苞山根江而掖海其形望於明州雖最高而
土壤峭峻津塗阻難行者病之凡西人之捨水而欲東與東人
之辭陸而欲西至者皆失其便故濱浙之塗通置船官騎廐而
奉化無有余攷地志奉化在秦漢前蓋介於百粵閩之交當
先王統一盛時政役之所不加王人使客之所罕至其館置疏
闊非意故畧之勢有不可得而設也然近世事繁難概於古前
位縣者嘗屢創驛隨作隨廢會有聘問發召期集之事節傳猝
至則寓諸民廬喧隘擾雜客主交愧焉今令襄賁丁侯濟之來
喟然歎曰是不可久且每至而煩民吾何安焉乃相土度材得
廢址之在官者成屋之當規為驛者于民廩之東崇拓而增營
之風雨蒿萊之場塵煤螢燐之區忽焉而垣闔具軒寢立先是
主簿李君大用實倡其畫及是二丞王君澤白君龍志同議諧
功用大集計屋之楹至於百有五十計工至於八百計日至於
七十而官與民俱不知其勞起事於季秋庚戌訖工於仲冬己
未驛成因其故名之曰奉川曰吾以存國俗名其堂曰德星
曰吾以賓賢德噫嘻美哉於是縣人樂侯之成嘉侯之勤者相
與過余而謀曰茲事子不可以無記余惟侯之可紀者眾以余
之為民於茲邑自侯下車見其當兵燬之餘日夜與其同僚爨
其缺敗振理頽廢昔之撤牆夷窳而連亡者今皆歸尋其廬有
居處之樂而侯之所興築若廟學亭治賦離之局崇社之壇蔽
獄之戶諸如此類何可枚舉而專美一驛乎哉顧侯之通明廉
愛無一役不矜乎民凡以圖久安而除其數害有古循良吏之
風則吾父兄子弟宜不可泯滅不著夫紀當世賢大夫之功行
而推考其里俗山川風土之盛衰興廢此儒者之職也余不敢

奉化縣志

卷二

建置上

九

辭遂以為記至元二十九年歲
在壬辰後六月望○剡源集

邊紳奉化驛詩倦馬投荒驛征袍照遠津壤分秦縣古民帶
禹風瘡落日猿聲苦東風麥氣春舊遊相識盡吾亦白頭人

明驛丞衙在驛堂左寢室三間廊房三間本衙地東西闊一十

步南北長一十九步東至按察司西至告成寺地南至大路北

至告成寺田共地二畝六分四釐屋廢址存原注造舟楫為站
船水夫四十六名

鋪夫一十名鋪陳一十副每五年鋪戶領價製造一十副送縣
印發為上房其前五年者為下房新舊共二十副○以上康乾

志○案寶慶志剡源驛縣東北五里驛前即航船埠也
溫台步來者即此而登舟明越舟來者至此而出陸

宋龍津館縣東北四里西市之東惠政橋之西臨大溪側嘉定

中令馮多福建

宋登陸館縣東三里市南門之側令馮多福建孫興公賦登陸

則四明天台故取以名以上寶慶志○案康乾志作登陸亭
宋嘉定間令馮多福建有記今廢

明西店驛縣南六十里接台州甯海縣境明洪武中信國公湯

和巡海過此因連山驛與白嶠驛相距一百三十里迎送為難
二十年增置樓門三間中門一座前廳三間後堂三間名清意
軒廊房各三間驛丞衙在正廳右原注鋪夫八名水夫四十一名鋪陳五副製造與連山驛同新舊共一十副久圯

宋金鐘館縣東北一十里宋咸淳中參政葉夢鼎鎮明州建以上

康乾志○案延祐至正二志金鐘鋪在州東北一十五里奉化鄉一都嘉靖志金鐘鋪縣北一十里互有異同

明接官亭在慶登橋東舊北五里名迎恩亭正統間令周銓建

架樓緝以垣設門守之嘉靖中令錢璠徙今址其地東西闊八

步南北長九步共地三分今為關聖殿康熙志

宋縣鋪北至南渡鋪二十五里南至雙溪二十五里寶慶志原為

大橋鋪元初在州東五里延祐七年春遷州治前鋪屋三間延祐

至正二志

奉化縣志

卷二

建置上

十

明總鋪在縣西原注舊在惠政橋東名大橋鋪洪武三年徙今處○嘉靖志○案與延祐志七年遷州治前異

或元末復徙大橋洪武初再徙縣西也

國朝在縣前司兵五名乾隆志

金鐘鋪縣北一十里在一都詳前金鐘館

宋南渡鋪北至北渡鋪二十五里原注內五里折江○寶慶志元曰廣濟鋪

至正志州東北二十五里長壽鄉三十六都延祐志○嘉靖志康熙志俱作縣北二十

里

陳橋鋪州東北三十五里長壽鄉三十四都延祐志○案至正志東橋鋪即陳橋

鋪在鄞縣或當時遷置鄞地歟嘉靖志康熙志縣北三十里

常浦鋪州東北四十五里長壽鄉三十五都延祐志○嘉靖康熙志縣北三十里

以上本路鄞縣路至正志四鋪各司兵四名乾隆志

龍潭鋪州東南十里奉化鄉三都延祐志○至正志一十五里嘉靖志縣南十里舊在大溪

東成化間水今廢康熙志

壞徙溪西

尙田鋪州東南十五里松林鄉十三都延祐志○至正志在州東嘉靖志縣東二十里

康乾志縣南一十里

雙溪鋪北至縣鋪二十五里南至固海鋪二十五里寶慶志在松

林鄉十五都延祐志○嘉靖志縣南三十里康乾志縣南二十里

方門鋪州南三十五里松林鄉十五都延祐志○嘉靖志縣南四十里康乾志縣南三十里

里十

山隍鋪州南四十五里松林鄉十六都延祐志○嘉靖志縣南五十里康乾志縣南四十里

里十

柵墟鋪州南五十里松林鄉十六都延祐志○嘉靖志縣南六十里康乾志同

以上台州甯海縣路至正志五鋪各司兵四名乾隆志

案寶慶志又有北渡鋪北至鄞縣櫟社鋪二十五里固海鋪南至台州甯海縣界海口鋪二十五里嘉靖志縣南儒學右有巡警鋪一所舊志皆未詳蓋久廢矣乾隆至今驛制未改而右列各鋪俱已無存故併列於此以備參攷

奉化縣志

卷二

建置上

三

宋居養院縣東北元符二年六月建 安濟坊縣東北五里崇

甯二年九月建以上寶慶志公宇